

萬有文庫

種百七集二第

王雲五主編

彈指詞

附補遺

顧貞著

商務印書館發行

彈指詞
附補遺
顧貞觀著



中華民國二十六年十二月初版

E六五八三上

彈

著作者

顧

貞

觀

發行人

王

上海河南路五

印刷所

商

上海河南路五

發行所

務

上海及各埠

印

書

館

編主五雲王
庫文有萬
種百七集二第
詞指彈
遺補附

(本書校對者鮑嘉祥)

萬有文庫

第二集第七百號

王雲編纂名

商務印書館發行

重刻彈指詞序

先宮諭對巖公官京師時。恆與同邑嚴藕漁、顧梁汾、兩先生集納蘭成容若所。以詩詞相酬唱。百餘年來。梁汾先生獨有彈指詞行於世。憶予弱冠時。見先大父司寇小峴公有合鈔側帽彈指詞二本。側帽詞者。卽納蘭成容若著。先司寇題語有云。有才如此。而不永年。惜哉。彈指詞則曰。本朝詞家。以彈指爲最。竊展卷誦之。驚爲自古詞家所未有。蓋唐宋以來詞格。凡幾變矣。先生之詞。窮其變。而會其通。而極其至。神明變化。開前人未開之境。洵乎爲一代之詞宗。而歎先司寇公評駡之當也。先生詞初刊於其門人杜雲川先生。後屢有刊本。今皆燬失。先生族孫西山釀資付手民。屬予爲之序。予後進末學。何足以序先生之詞。惟予服膺有年。亟思得是詞而傳之。故於斯役也。樂爲序之。而且慇懃之顧念。

彈指詞 重刻序

二

吾邑自咸豐庚申遭兵燹文獻亡缺殆盡先宮諭公蒼峴集被燬司寇公小峴山人集亦燬卽鈔存無礙山房詞稾久散失無可蒐羅深以爲憾而又念藕漁雲川諸集均無有存者未知何時誰爲重刊而傳之嗟乎自古名人著述其傳不傳蓋猶有幸不幸焉而況後之人湮沒不傳者可勝道哉予因序先生之詞不能無慨然於中也光緒四年歲在戊寅秋九月邑後學秦賡彤謹序

序

予曩聞錫山顧梁汾先生名，求其詩集讀之，格高氣厚，取法唐人，而變化縱橫，又非膠滯筆墨者比。私以爲先生之於詩，固其所長，而詞則予猶未之見也。聞昔辛稼軒以詩詞謁蔡光，蔡云子之詩未也，當以詞名。又聞馬鶴窗與陸清溪皆出菊莊之門，而清溪得詩律，鶴窗得詞律，似乎詩與詞二者不可以兼能。先生而旣長於彼，度未必復長於此。此予曩時所見也。比予遊錫山，得交杜雲川太史，論次當代詞家，則又屈指先生爲第一。因以彈指集若干卷示予，其品超其情至，其取裁非一體，其造就非一詣，洵能出入於南北兩宋，而集詞之大成者夫。乃歎予當時所見，未足以盡先生，而先生之於詩於詞，本無所不能者也。然非與杜太史遊，予亦何由而知先生之才之無所不能也邪？時因校刊彈指集告成，而序之如此。雍正甲辰五月下澣華亭姚廷謙書於北垞之小杯湖。

華亭姚子平山於書無所不窺。平時采摭詩文甚夥。偶與予論次當代詞人。予以梁汾師所著彈指詞示之。因重加校刊行世。夫彈指與竹垞、迦陵、埒名。迦陵之詞橫放傑出。大都出自辛、蘇。卒非詞家本色。竹垞神明乎姜、史。刻削雋永。本朝作者雖多。莫有過焉者。雖然緣情綺靡。詩體尙然。何況乎詞。彼學姜、史者。輒屏棄秦、柳諸家。一掃綺靡之習。品則超矣。或者不足於情。若彈指則極情之至。出入南北兩宋。而奄有衆長。詞之集大成者也。予少好填詞。每爲吾師所矜許。後遇竹垞先生。復竊聞其緒論。乃摩挲白石、梅溪之間。詞體爲之稍變。而生平瓣香實在彈指。予向所鏤版藏於家有年。四方爭購之。不可得。今平山之服膺彈指。不減於予。因屬予序而傳之。夫予固窮且老矣。何足以傳吾師。而能大其傳者。庶幾其在平山也哉。雍正甲辰夏四月浣花詞客杜詔。

今之譚風雅者。輒左詞而右詩。謂詩固發抒才藻。詠歌性情。而詞特野田草露。閨門粧席鄙俚之音。君子弗尚。且詩必上下騷選。出入三唐。敝畢生之精力。猶苦不工。而詞則甫解操觚。粗按聲律。長句短句。便可按譜而得。於是始之左詞。而右詩者。繼復難詩而易詞。不知詞於古樂府。開其源。厥後發軔於唐。蕃衍於宋。秦、晁諸子。號稱最工。當其取材敷藻。亦未嘗不上下騷選。出入三唐。敝畢生之精力。詩固難。詞亦何易邪。然世之置不講者。亦有說焉。學士習經。生家業。於吟唔雜誦之下。取唐人青蓮、少陵諸集。擣擣割剝。依稀摹仿。便欲名家。間作小詞。粗硬生澀。強其筆以相就。轉折頓挫。抑揚俯仰之間。如儉父之學吳音。舌根間強。而不能自主。況其所爲詞。又皆野田草露。閨門粧席。鄙俚之言。脫稿後。自顧亦復形穢。反不如五言七言。可以稍文其固陋。因遁其辭曰。詞不可作。蓋至是而向之難詩而易詞者。更轉而難詞易詩矣。秦、晁諸子後。工者寥寥。曷怪哉。

吾邑顧梁汾先生其詩固婉麗清新直入中晚唐人閩奧不似外間好談初盛而僅得其皮毛至彈指詞則肌理清妍格律蒼老雄深感慨頓挫沈鬱其殘膏賸粉俱足沾溉後人所著雖綺窗鴛閣丁甯哀怨及河橋酒幔懷人送遠之詞爲多而直禁苑掌絲綸炳炳琅琅仍作閨闥衣冠語昔嚴藕漁太史敍金沙王次回詩云以閑肆之才寫宕往之致窮情盡態刻露深永可謂橫絕今古夫惟藕漁知次回者深故傾倒於次回者至予舉此以弁先生之詞不特凡學輕才驚怖河漢卽起秦晁諸子見之亦當逡巡變色有起予之歎是卽予之所以知先生者矣此余先君子序梁汾先生彈指詞文也先生後人味澹七兄欲將家刻杜刻彙集重校村梓問序於余余一行作吏未遑操觚因憶先君子文稿中有是序遂出而錄以畀之嗟乎文著於六十年以前而傳於一再世之後其出處亦有時乎一回想間不禁惆然時嘉慶二十有一年歲次丙子八月朔有二日同邑後學鄒文炳藜齋氏書於章貢之廬陵傳舍

余弱冠與徐子石漁定交於一一堂。見其手錄梁汾先生彈指詞一卷。每風清
月夜。相與歌季子平安否二闋。激昂慷慨。如李少卿更衣循髮時。於以見情詞
入人深也。越今二十餘年。先生之孫仲溫重刻彈指詞成。而屬余爲之序。先生
幼稟異姿。多讀書。詩古文皆有心得。而詞更奄有衆長。自成機軸。先生嘗曰。吾
詞獨不落宋人圈檟。可信必傳。嘗見謝康樂春草池塘夢中句曰。吾於詞曾至
此境。昔彌勒彈指樓閣門開。善才卽見百千萬億彌勒化身。先生以斯名集。殆
自示其苦心孤詣。超神入化處。至歸老蘆塘。究心理學。視平昔才華。已如飛絮
落花。任其沾泥隨水。一切色相不留。然其少日刻心注意。所以傾羣言而漱六
藝者。海內所共信。與先生之自信。無異辭也。同時有攜先生新詞至朝鮮者。館
人竊誦焉。翼日。儒服者八人來謁。同聲乞詞。盡以畀之後日必一至。備致款曲
禮儀。堅懇將來片語單辭。必爲郵寄。陽羨陳衛玉記其事。是知先生之詞固已

彈指詞 諸序

六

傳布海外。顧古來唐宋諸名集類編輯於門生後起。如昌黎之有李漢。少陵之有微之。六一之有東坡。薪盡火傳。瓣香在是。故苦心搜輯。以昭示來茲。至爲其子孫者。往往不能敬承先緒。以刊布流行。豈極盛之下。難乎爲繼。抑家庭之教。或轉有所未至耶。曩者廬州張太守見陽聘先生修郡志。先生卻所贈而請刊。端文公遺書。是先生旣表章先業於前。今仲溫復刻茲集於一再傳之後。祖武孫繩。後先濟美。於以知顧氏之澤源遠流長。而理學文章之衣被於後人者。浩乎其未有涯涘也。故樂爲之序如此。時乾隆癸酉二月之望。同里後學杏程諸洛拜手書。

彈指詞卷上

錫山顧貞觀梁汾著 受業杜 詔紫綸訂

臨江仙

曾是上清攜手處。迢遙笙鶴遺音。水如環珮月如襟。幔亭人杳歸路已難尋。
莫倚君身仙骨在。曉霜明鏡駸駸。碧天雲海約投簪。舊歡新別。回首兩沈吟。

生查子

欹枕背屏山。鏡掩燈明滅。香穗弱難扶。一寸金蠶齧。抱影欲成眠。翠被寒疑裂。雙筋韻紅凌。半落聞檐鐵。

昭君怨

殘雪板橋歸路。的的玉人風度。擁袖障輕寒。恣他看。聞道昔遊如昨。添箇洗

紅池閣掩冉壓牆花是誰家

雙雙燕

本意用史
梅溪韻

單衣小立正秋雨槐花鬢絲吹冷鏡函如水長憶畫眉人並殘葉暗飄金井問
燕子歸期未定傷心社日辭巢不是隔年雙影香徑芹泥猶潤只一縷紅絲誤他嬌俊幾多恩怨絮徹杏梁煙暝傳語別來安穩待二十四番風信那時重試清狂肯放雕闌獨凭

青玉案

天然一幢荆關畫誰打稟斜陽下歷歷水殘山賸也亂鴉千點落鴻孤咽中有漁樵話登臨我亦悲秋者向蔓草平原淚盈把自古有情終不化青娥塚上東風野火燒出鴛鴦瓦

浣溪沙

不是圖中是夢中。非花非霧隔簾櫳。窄衫低髻鎮相同。清脆鈴聲檐鵠夜悠悠。
颺燈影紙鳶風。此時攜手月溟濛。

又梅

物外幽情世外姿。凍雲深護最高枝。小樓風月獨醒時。一片冷香惟有夢。十分清瘦更無詩。待他移影說相思。

傳言玉女 上元

今夕何年偏覺漏喧人醉。星毬高揭是星娥手綴。千樹寶華寧讓六宮翦綵。幽歡剛趁密傳詩謎。走過紅橋第三條。忽復會踏歌聲裏聽搔頭玉墜。明月暗塵攏入暖香寒翠爲伊耽閣梅花清睡。

埽地花十六夜陰寒坐臥小樓茫茫百端不覺爲之悽咽

擁鑪人倦向煮雪聲中坐愁愁坐巡檐數朵爲丁寧玉笛莫教吹破酷愛高寒

紙帳一番清課。肯閒過不律隃糜。那禁慵墮。舊約何曾果。記徒倚朱樓。迷藏香徑。延緣畫舸。正離魂欲接。斷煙橫鎖。怕夢醒時。盼殺滿城燈火。問誰箇掩紗窗。更愁於我。

柳梢青

花朝春分

乍展芭蕉。欲眠楊柳。微謝櫻桃。誰把春光平分一半。最惜今朝。花前倍覺無憊。任冷落珠鈿翠翹。趁取春光還留一半。莫負今朝。

春光好

上巳

風漸暖。雨初晴似朝醒。手招蕙叢雙箭注銀瓶。繡得紅羅纖窄。其如嬾踏青青。待擘澄心堂紙倣蘭亭。

歸國遙

呼女伴。鬪草鬪花輪日換。相約羅衣同澣。略嫌天氣暖。幾摺纔開筠扇。莫教

題便滿空郤迴文一半有人親落款

畫堂春

湔裙獨上小漁磯。韞羅微濺春泥。一篙生綠畫橋低。昨夜前溪。回首棟花風急。催歸暮雨霏霏。撲天香絮擁淒迷。南北東西。

南鄉子

繡榻近來閒似整如欹欲卸鬟。自把毛詩教小鳳。關關鸚鵡偷傳喚阿蠻。湘管淚痕斑。擲罷金錢弄玉環。身似離爻中斷也。單單欲展雙眉又拆難。

定風波

只覺微詞分外尖。計疏容易惹猜嫌。嬉子故懸絲網待無奈。落花飛絮一時黏。冷處越須防妒眼。重見那回風格定矜嚴。正是背人成獨語。爾汝又誰偷覬水晶簾。